



Fuk Veh Gyaеundeі Cungguek, Angqhoh Laeb Dangj Bak bi

最美中国画卷，庆祝建党百年

□ Vangz Cunhgiz / 黄春菊

Saedcej mbouj bingzfan, mbouj lumz simnduj. Bi 2021 dwg Cungguek Gungcanjdang laebbaenz 100 hopbi, laeb dangj bak bi, dwg gij lizsij vih minzczuz duzliz, vih yinzminz gaijfang buekguh mbouj soengheiq, dwg gij lizsij vih guek-gya fanzyungz fouqgiengz, yinzminz fouqmiz haenqrengz hai roen. Bak bi ngamq nienz oiq rengz hoengh, youq aen cwngei daizheiq Cungguek caeuq seiqgyaiq, sij ok cekcek saw ronghsag gyaеundeі, veh ok fukfuk dozveh Cungguek ceiq gyaеundeі daeuj.

Siz Ginbingz cungjsuhgi youq gwnz hoih hung biujcangh caeuq cunggez daengx guek duetgungz banghoj yiemzrwd senhgau, ginggvaq daengx dangj daengx guek gak cuz yinzminz roengzrengz, youq mwh youqgaenj ciepcoux Cungguek Gungcanjdangj laebbaenz bak hopbi, ndaej dwk hingz ciengz ciengq haenqrengz duetgungz banghoj raeuz. Seizneix daengx guek gaenq cienzboh duet gungz, gij yienh

gungzhoj duet mauhgungz caez.

Ndwn youq gwnz dieg Cungguek, itloh byaij bae funghgingj gyaеundeі dangqmaz, gij gingj engq gyaеundeі youq baihnaj. Fukfuk veh ceiq gyaеundeі Cungguek lai cungj lai yiengh, mboujdan dwg miz raemx loeg bya heu ndwi, miz lwgmanh hoengzswgswg, miz mbaw-caz oiqsumsum, vanzlij miz makgam henjrwgrwg, caemhcaiq lij miz faj-naj gyoengqvunz riunyumnyum. Doengh fajnaj riunyumnyum neix couhdwg gij biujcingz Cungguek seizdaih moq. Moix aen naj riu ndawde, miz maqmuengh, miz simhoengz, engq miz gij ligliengh haenqrengz bongh baenaj. Moix aen naj riu, geiq le geijlai gojgaeq buekguh gaenxguh ha! Beksingq raeuz geijlai sim'angq, saedcej yied gvaq yied ndei, yamqdin hix yied byaij yied onjdingh.

Ciengz ciengq duetgungz banghoj ndaej hingz, liz mbouj ndaej Cungguek Gungcanjdangj. Mbanj-cuengh yinzminz raeuz gaen dangj

byaij, caezgya caez yamqdin, vih caux gij saedcej gyaеundeі, saed-yienh caez fouqmiz, mbouj lau baeg, gwn ndaej haemz. Gvangjsih raeuz miz boux yienghndeі banggungz gungcanjdangjyenz Vangz Vwnzsiu. Vangz Vwnzsiu naeuz: "Gizgyae, miz ginzcung cingq heuh, gou aeu hwnjdin lo, gou miz saenqsim, mbouj dwk hingz ciengz ciengq neix, baenzbaenz cungj mbouj soubing." De daiq gij saenqniemh yienghneix, roengzrengz guh hong bonjfaenh, doeklaeng deng dai, baenzneix oiqcoz, hojsik lai lo. Guek raeuz lij miz ciencien fanhfanh gungcanjdangjyenz, lumj Vangz Vwnzsiu yienghneix, ndwn youq gizgiz, laebdaeb haeb heuj roengzrengz guh, goq Cunghvaz Minzczuz aen ranz hung neix, hoeng cix mbouj ndaej hoengq goq aen ranz iqetet bonjfaenh. Seizgonq gungcanjdangjyenz aeu lwedhanh laeb le Cunghvaz Yinzminz Gunghozgoz, seizneix gungcanjdangjyenz aeu lwedhanh vih lwgminz caux aen ngoenzcog

moq, vih guekgya raeuz vih Cunghvaz Minzczuz raeuz caux aen ngoenzcog moq.

Buetfoedfoed baenaj, mbouj ndaej doiqlaeng, dwg vahmieng rengzrwd gungcanjdangjyenz, hix dwg gij sawjmingh gungcanjdangjyenz. Gungcanjdangj itsim vih yinzminz vih beksingq ndaej gvaq hwnj gij saedcej engq ndei, vih Cunghvaz Minzczuz ndaej fukhwng, gyoengqde caeuq lwgminz sim dox-lienz, caez diemheiq, caemh diuz-roen, dawz lwgminz haeuj ndawsim, vih lwgminz banh saehsaed mbouj dingz.

Seizneix, Cungguek yinzminz couh yungh gij song fwngz gaenx guh, yunghsim nyinhcaen, veh ok fuk veh gyaеundeі Cungguek, angq-hoh laeb dangj bak bi!



Cungjsuhgi Daeuj Daengz Gvangjsih Raeuz

总书记来到咱广西

□ Lanmoegbya / 岚木芭

Siz cungjsuhgi Gvangjsih daeuj, Haeuj mbanj haeuj cangj haeuj minzboz; Fazcanj fuengyiengq gangj mingzgoz, Gyoengqraeuz dungcoz aeu riengz ndaej.

Hengzguh cwngecwz dangjcunghyangh, Saedguh dandang onj hwnjbae; Minzczuz fazcanj cizlieng ndei, Benhgyangh sevei ndaej onjdingh.

Sien daengz Gveilnz caiq Liujcouh, Cenzcouh geiqniemh gyoengq senhleiz; Sienghgyangh Canyiz dwk gizlez, Lwgminz vuenyungz de cij haengi.

Yunghrengz coih ndei bya dem raemx, Suhgi caemh cunz daengz maxdaeuz; Cauxguh seiqgyaiq singz lijyouz, Bouxbox lwnhnaeuz bya dah lengj.

Faenj raeuz Gvangjsih ndei guhdaeuz, Suhgi goj naeuz faenj neix feih; Yienghyiengh fazcanj lumj Liujveih, Naek youq goekdaeiz guh cizlieng.

Daeuj daengz Namzningz cunz minzboz, Giengzdiuh cenzgoz sifangih; Yawj ranz yawj gyong yawj gohhih, Doengzcaeiz fazcanj cij hwngvuengh.

Gyoengqraeuz geiq maenh suhgi gangj, Vih minz vih dangj vid gen guh; Gensez Gvangjsih hwnjhuhu, Lublab lujlaj couh mbouj ndaej.

(ciep geiz 3472)

Daihcibngeih Aulungz-gveiz Gangj Goj (Daihhaaj)

Lungz Byauh dawz di ngaenz gag bae Yanghgangj lo.

Daengz Yanghgangj le, byongh bi gaxgonq de caen dwg gwn haemzhoj ndwi, gij cienz dawz daeuj sai sat lo, mboujdan gij baksieng caengz ndaej yw ndei, lienz giz diegyouq guding ndeu hix cungj mbouj miz. De dojdatdat caemhcaiq hukhathat, boux vunzmbanj mbouj raen gvaq maz seiqmienh, sawqmwh daeuj daengz aen singz nauhyied hoenghhwd he, de baenzlawz hab'wngq ndaej ne?

·Sawcuenhvaez Lwngnyez·

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

Miz geij baez de cungj siengj suenq lo, dauqranz caeuq daxmeh de gvaq gij saedcej andingh genjdan. Hoeng baez siengj daengz gij vah mwh yaek byaij dak Buzsimjsam lwnh hawj Siu Cuh, de couh mbouj miz mbei maranz. Gij vah dwg de gag gangj ok bak hane, seizneix mbouj miz yiengh

he guh ndaej daengz, de miz maz naj dauq mbanjranz?

Yienghneix, de laebdaeb dingj roengzbae.

Caeklaiq, youq buenq bi laeng de ra ndaej faenh hong he: Bang aen ngaenzhangz guh gingjvei, de ndang cangq mbaq gvangq, daenj buhcifuz,

dawz cungqraez, ndwn youq bakdou hung lij miz di yienghceij bw. Dauqdaeiz sam donq haeux ndaej gwn imq lo, moix ngoenz soujsauq, haghag uet cungq dwk nyingz, caiq dawz saekdi ngaenz bae cawx gij yw dwk baksieng, dauq hix gvaq ndaej roengz lo. (caengz sat)